

漳州府志

卷一(世二册内)

三五公司所藏

ル 5
3438
1



漳州府志



門 九 5
號 3438
卷 1

光緒丁丑冬鐫

芝山書院藏板

翰 學 書
第 32.4.16 號
藏 書

增刊漳州府志序

甚矣脩志之難載筆纂言不可不慎也昔
乾隆丙申漳郡志成上布政使司駁令改
正其書遂逡巡不行今郡署舊牘散失不
知駁如干事郡人獨數舉苛載列女為言
余觀丙申志凡例以列女繁不勝傳傳處
境最艱者次則為之跋與志年月又關生

傳之非惟經旌表雖生存亦列於簡以志
朝典凡此皆深中史法不得謂苛然則所
謂苛者不苛於其例苛於其言如云志朝
典非志女貞為之傳者又曰不得已也其
人既符於例方斷斷於行事之真否抑揚
其詞滋人疑惑卒至授人口實不特志列
女之條例隱而全志幾廢循覽至此為之

愀然動容設非嘉慶間郡守特君收拾遺
亡刊補闕葉欲傳其書於百年之久豈可
得哉甚矣言不可不慎也今太守倜堂沈
君以同治甲戌下車際新政之脩明惜舊
聞之散佚蒐討甄綜積有卷帙顧不欲以
脩志自任重念丙申志成而未行刊補猶
易為力爰謀於郡紳吳魏諸君子為之增

刊其大要正譌舛以承駁案標原卷以存
前規署新增以清界畫任剗剔以虛篋著
用日約少墜舉廢脩而於列女志表彰節
烈載姓氏至九千有奇視丙申凡倒用意
固殊已余於光緒丙子備兵來漳志已刊
寫及半個堂太守固懷撝挹時就商權惟
兢兢疏舛是懼今計日訖工矣竊謂是舉

集議之果措慮之周宅心之厚歲事之速
皆由虛衷慎審成之循此以往則天下可
無廢事無妄作脩辭度務義亦同貫豈獨
有功於丙申作者已耶個堂太守近將受
代屬余一言遂書以記之

光緒三年歲在丁丑暮春之月

賜進士出身福建汀漳龍道陳鴻翊謹序

增刊漳州府志序

古職方氏之圖誦訓訓方氏之所掌世無傳者方志之體實齊章氏文史通義論之備矣然古今纂著不齊或時會適然求得成就一事必懸某義某例且坐廢否猶因仍舊文綴緝今制俾後來者有所采擇則與其廢也無如其舉也雅裁通識尚過而



存之漳自唐初置屯設郡越入我

朝略沿明制其疆域北析為龍巖州東西翼泉汀西南連粵之潮州而東南距海擅魚鹽果菰舟楫之利俗故彊不受侮自宋朱子為之官師洎明石齋黃氏以理學忠節倡導後進士民益敦志行入此十年再遭寇攘登陴蹈刃婦孺猶烈綜厥大凡漳實

巖郡面洋控島山海盤礴外必扼險要以制剽忽內必平氣矜以杜陵暴誠不可一日無紀載之書訂沿革鏡盛衰也郡志一修於康熙甲午再修於乾隆丙申丙申志駁議中廢嘉慶間嘗刊補闕葉近悉燬棄艱致完書予甲戌下車即謀續修頻年善後勤民力至再三計無餘資開局然及今

不為懼并舊志泯焉郡人吳君篁圃吳君
亦夔魏君雪樵皆博雅好古多識舊聞爰
以茲事相屬諸君子則辭修而任刊既就
兩志據文攷事尋繹綱目遂議用甲午之
序次編丙申之卷帙舊有引繩方始勘正
今所附益署為新增大要虛載筆之任課
鉛槧之實具於凡例發之若夫條理山川

疏證名物網羅散佚揚摧利病則斯役就
簡未暇以詳遠惟周官地圖之遺近省實
齋志例之峻如余弁陋無可比附徒以一
麾領郡去兵火財十年彫瘵未蘇黽勉率
作此邦人士久而習焉今茲為此庶幾循
有舉無廢之義存一方故事後之君子是
正疏舛宏采精擇由此勒為一書以上涵

膏澤中紀形勝下同風俗余蚤夜跂之矣

光緒三年歲次丁丑夏四月

欽加道銜福建候補知府署漳州府知府岳陽

沈定均撰

序

國家中興以來各省大吏多請修志皆得

報可誠以志者地方之眉目利病之所從考前

事之不忘後事之師也即一郡一邑亦何

莫不然漳志不修數十年前權守沈君有

意於此乃將乾隆未刻之志刻之并略取

漳州府志

序

康熙舊志及近事附益二三蓋亂後典冊
無存匙所徵信而又無力開局廣為咨訪
亦其勢之不得已而使之然也予來視事
刺已逾半予曰有舉勿廢抱殘守缺亦見
都人士之苦心與沈君之重文獻也乃命
繪圖促梓勒為成書夫府者縣之準則也

府志者縣志之匯歸也漳為閩省巖疆扼
控嶺海之間其利害視他府為鉅年來屢
經兵燹而且交涉中外其可紀之事甚多
誠使自今以往七邑中有純一閭修之士
見聞博洽之儒各隨所知登之紀載使異
日纂修者有所取資理而董之成為一時

關係之作不更偉歟語云莫為之前雖美
弗彰舊志固當刻矣而莫為之後雖盛無
繼璋奉

恩命出守是邦其期望之情不較沈君為更殷
哉刻既成司事者請為之序因為記吾意
如此

光緒四年歲次戊寅秋九月

欽加道銜

賞戴花翎

誥授中憲大夫知漳州府事長白毓璋序

漳州府志序

國家中興以來各省大吏多請脩志皆得

報可誠以志者地方之眉目利病之所從考前事之不忘後事之師也卽一郡一邑亦何莫不然漳志不脩數十年前權守沈君有

意於此乃將乾隆未刻之志刻
之并畧取康熙舊志及近事附
益二三蓋亂後典冊無存鈔所
徵信而又無力開局廣爲咨訪
亦其勢之不得已而使之然也
予來視事刻已逾半予曰有舉
勿廢抱殘守缺亦見都人士之

苦心與沈君之重文獻也乃命
繪圖促梓勒爲成書夫府者縣
之準則也府志者縣志之匯歸
也漳爲閩省巖疆扼控嶺海之
間其利害視他府爲鉅年來屢
經兵燹而且交涉中外其可紀
之事甚多誠使自今以往七邑

中有純一闇脩之士見聞博洽
之儒各隨所知登之紀載使異
日纂脩者有所取資理而董之
成爲一時關繫之作不更偉歟
語云莫爲之前雖笑弗彰舊志
固當刻矣而莫爲之後雖盛無

繼璋奉

恩命出守是邦其期望之心情不較沈
君爲更殷哉刻旣成司事者請
爲之序因爲記吾意如此

大清光緒四年歲次戊寅九月

欽加道銜

賞戴花翎

誥授中憲大夫

知漳州府事長白毓璋序

增刊漳州府志凡例

一 郡志入

國朝凡再脩其脩于康熙甲午三十四卷者前守柏鄉魏公延漳浦蔡文勤公總其事其脩于乾隆丙申四十六卷者前守遵化李公長白雙公延安溪官君獻瑤總其事乾隆志旋以奉駁中廢嘉慶丙寅前守特公刊復二百餘葉近遭寇亂燬棄無餘余以丙申至今百年欲郡紳就兩志合纂附以近事諸君謙不自任因議康熙志久爲藝林推重今如合纂勢必妄竄舊文而事仍不備當謀鳩貲重刊乾隆志事增於前文筆亦非近人所及

唯既經駁議自應改正又其標目二十沿康熙志之舊

而以災祥以上為志事列女以上為志人易其先後序

次康熙志以建置星野疆域山川規制學校祀典秩官

賦役選舉兵紀官績人物列女民風物產古蹟藝文

災祥雜記為次乾隆志以建置星野疆域山川民風物

產古蹟秩官規制祀典學校選舉賦役兵紀藝文災祥

官績人物列女紀遺為次然如秩官選舉臚列姓名間亦撮舉行誼

安得謂非志人是其編次亦尚可酌道光通志海防以前

以封爵職官宦績選舉人物列女方外相次今以其書

成未行議為重刊原文而依康熙志目次編卷少示矧

獲先民仍于各卷標目之下署明乾隆志卷幾使有蹤

迹可尋其奉駁各條悉與更定駁案匪亂燬失唯張福

衍傳 恩例封典兩條

郡紳所習聞者詳後又據官君凡例不為生存列女立

傳義至謹嚴聞當日兼以苛載列女被駁此則無從懸

補其人至丙申以來掌故事實兵燹之後載籍散亡兼絀

于經費未能開局承訪議就檔籍所存聞見所及依類

增附皆署明新增字樣間有補輯康熙志者亦署明據

康熙志補入字樣使與乾隆志文不相混如此則疏陋

之譏所不能辭妄作之譽庶乎可免至於合纂俟之後

賢議既定遂屬龍溪吳舍人聯薰魏明經森林南靖吳

舍人廷颺合任其事其新增斷限截自光緒三年四月

郡解落成止此增刊郡志之匡畧也

一康乾兩志皆有卷首凡序目凡例舊序徵啟輿圖悉入

其中今以新序及新定凡例目錄列卷首之前起舊序
 訖新增省繪輿圖為卷首中增甲午小序以今刻依其
 序次也用丙申輿圖兼增新圖以今刻皆丙申原文圖
 當稱是獨雲霄舊未有圖而新圖闔屬皆詳核可據又
 不專補雲霄一圖也

一建置疆域卷末增雲霄廳其前皆乾隆志原文故各縣
 管轄未及開除選舉中乾隆丙辰進士蔡新下旁注現任兵部尚書按文恭官至文華殿大學士加太子太師今不改正者恐舉一廢百不若完其為丙申原文例同此
 一規制中城池公署倉廩義冢學校中學宮學額

列聖御書扁額義學書院祀典中文廟從祀以下各祠廟卷

末皆有新增學校卷并附增府議雲霄廳設學詳文

- 一丙申以後秩官依秩增補唯癸丑甲子兩經兵火檔籍不全今就可考者載之其舊志新增交接處隨條著明
- 一賦役增載道光通志戶口光緒元年奏銷府冊并撫載道光十年鹽法志現行票蓋新章
- 一選舉增丙申以後文武各途唯貢生尚多缺載其乾隆志 恩例封典一類奉駁濫登今刪
- 一兵紀增同治六年裁設新章并丙申以後總兵官
- 一宦績人物皆有新增必入祀名宦鄉賢或已載通志及出處較然實有政績行誼可紀眾口無異詞者方敢登

載其人物中乾隆志奉駁張福衍傳

上諭更好二字妄改尤敏敬謹更正

一乾隆志原編列女三卷今增兩卷上卷節烈下卷殉寇難我

朝風教超邁前古故閨門遭變盛著節操如此後之秉筆者幸勿輕議剪裁

一康熙志民風載紫陽北溪遺文乾隆志輒加刪節今悉補入并增蔡宗伯文一首

一藝文總目據通志依類新增詩文據康熙志補如千首近時濬築建修諸碑記亦附增入用以紀事非盡謂其

文之可傳也

各文當分附各類沿舊志例入此

一灾祥增見聞確鑿者會匪髮逆之變皆俄就撲滅而士

民殉義且數十萬

全書後附甲子忠義錄

今畧具失事克捷年月

增附寇亂之末

一星野山川物產古蹟紀遺均無新增載稽康乾之朝開

設志局據序文凡例所舉姓字與甲午之役者凡十餘

人與丙申之役者幾二十人故能博採彙纂斐然有作

今以彫瘵之餘為鉛槧之舉日力物力非處寬閒惟恃

吳魏三君子孳孳編輯盡兩年之力成五十卷之書視

前此總纂分纂諸君甘苦勞逸有不可以道里計者刻

成三君方自以為不詳不備欲若不足余為著其勤勤如此

光緒二年歲次丁丑夏五月岳陽沈定均識

漳州府志目錄

序首

凡例

目錄

卷首

舊序

康熙志徵啟

康熙志凡例

康熙志小序

乾隆志凡例

乾隆志輿圖

附名蹟圖

新增輿圖

卷一

建置

卷二

星野

卷三

疆域

卷四

山川

卷五

規制上

城池

公署

倉廩

坊表

卷六

規制下

橋梁

津渡

水利

養濟

義冢

卷七

學校

卷八

祀典

卷九

秩官一

官制

唐

宋

元

卷十

秩官二 明巡道至府訓導

卷十一

秩官三 明知縣至訓導

卷十二

國秩官四 道員至同知

卷十三

國秩官五 知縣至訓導

卷十四

賦役上 田賦 戶口 屯丁 土用 屯田 雜稅

卷十五

賦役下 起運兵餉 存留支給 外附雜稅 戶口 田畝 鹽法

卷十六

選舉一 唐 宋 元

卷十七

選舉二 明進士舉人

卷十八

選舉三 明貢生 薦辟 武科進士 文武職 勳爵 封贈 任子

卷十九

國選舉四 進士 舉人

卷二十

國選舉五 貢生

卷二十一

國選舉六 武科進士舉人 特用文武職 勳爵 封贈 任子

卷二十二

兵紀上 歷代兵制 營寨 諸遊 明陞官

國朝鎮營沿革 防汛 城堡關隘 塘遞 墩臺

卷二十三

教場 沿海圖 裁設新章

卷二十四

兵紀下 漳州鎮以下歷官 水師鎮營沿革至歷官

宦績一

唐 宋 元

卷二十五

宦績二 明

卷二十六

國宦績三

卷二十七

國宦績四 後半歷代武臣

卷二十八

人物一 唐 宋 元

卷二十九

人物二 明

卷三十

人物三 明

卷三十一

人物四 明

卷三十二

國朝人物五

卷三十三

國朝人物六

卷三十四

列女一 唐元明宋

卷三十五

國朝列女二

卷三十六

國朝列女三

卷三十七上

國朝列女四

卷三十七下

國朝列女五

卷三十八

漳州府志

目錄

五

民風

卷三十九

物產

卷四十

古蹟

卷四十一

藝文一

著書總目 詩

卷四十二

藝文二

賦 表奏 議 書

卷四十三

藝文三

序 記

卷四十四

藝文四

記

卷四十五

藝文五

記 增補各體

卷四十六

藝文六

雜文

卷四十七

災祥

附寇亂

卷四十八

紀遺上

卷四十九

紀遺中

卷五十

紀遺下

附




甲子忠義錄

編緝未竟



卷四十四

輿圖

府學





池洋




漳州府志


卷之...



漳州府志 卷之...



海澄縣



永定界

饒界



縣和平


南靖界



詔安縣

界浦漳

饒平界



漳州府志

漳州府志

牛徑台

門尺八

堡陳

蘇尖

山銅

山漸

洲柳

張西

山圓大

嶺崎

南墩

亮

嶺崎

南墩

基村

鐵

原

東墩

東墩

會海

台山南

台山南

出壇

出壇

頭渡

頭渡

港尾橋

港尾橋

山尾洋

山尾洋

音觀

音觀

音觀

音觀

音觀

音觀

音觀

音觀

音觀

音觀

音觀

音觀

音觀

音觀

音觀

音觀

音觀

音觀

音觀

音觀

音觀

音觀

音觀

音觀

音觀

音觀

音觀

音觀

音觀

音觀

音觀

音觀

音觀

音觀

音觀

音觀

音觀

音觀

音觀

音觀

音觀

音觀

音觀

音觀

音觀

音觀


音觀

音觀


音觀

音觀


名蹟圖




天寶



見



白雲岩



雲洞





萬松關



萬松關

萬松關

漳州府志


卷之四




柳營江

漳州府志

卷之四



鄴




石公


堂

五龍潭





白鷺



奇

潼州府志 卷之百一


七首巖

漳州府志 卷之七 首巖



漳州府志 卷之七 首巖

梁山








濟州府志

大武

丹霞岫



天柱



三平寺



海州府志

十五



大岑

漳州府志

卷之四

九角山



九角山

山頂

山頂

山頂

山頂

山頂

山頂

山頂

湖長

山頂



新增

輿圖


漳州府志卷之百

列舊名蹟圖後


圖

同治二年總理各國事務衙門咨各直省督撫
繪取輿圖閩之承其事者為通商局委員前長
秦縣知縣朱寶善甄綜鈎稽於山川疆界道里
村聚一一詳載今依繪漳屬全圖附舊圖後凡
為總圖者一分圖者八

漳州府屬全圖




龍溪縣圖



龍溪縣圖


漳浦縣圖





海澄縣圖



東




南靖縣圖




長泰縣圖



南




平和縣圖




四百三十六

詔安縣圖




四百三十六




八

雲霄廳圖



四百三十六



九

舊序

祥符圖經序

宋奉議郎吳與

按本州在禹貢為揚州南境周為七閩地秦漢為東南二
 粵地漢平粵為東會稽治縣并南海揭洋之地晉宋以來
 為晉安義安二郡地唐垂拱二年十二月九日左玉鈐衛翊府
 左郎將陳元光平潮寇奏置州縣勅割福州西南地置漳
 州在漳浦水北等以地方多瘴癘耆壽余若乾隆志訥等
 乞遷他所開元四年勅移李洩川故廢安縣地置郡自初置州
 隸福州開元二十二年四月十二日割隸廣州二十八年復隸
 福州本二縣一曰漳浦即州治也二曰懷恩后二十九年十一月二日

十二日 以戶口逃亡廢之併入漳浦又割泉州龍溪縣隸本
 州大歷十一年觀察使皇甫政奏割汀州龍巖縣來屬二十
 年五月二十七日勅從之天寶元年改為漳浦郡乾元元年復為漳
 州興元二年刺史柳少安請徙治龍溪未報貞元元年十一月十
 六日觀察使盧杞奏勅從之遂以龍溪縣為州治管龍溪漳浦龍
 巖三縣山川清秀原野坦平良山記董鳳之遊九侯傳夏
 后之祀趙佗故壘越王古城營頭之雉堞依然嶺下之遺
 基可識陳將軍忠貞冠代王使君勳烈標時周先輩之奇
 才潘侍郎之重德大同九虬之瑞開元祥雲之符靈跡應
 祈筋山屏盜遺芳未泯勝槩可奪蔚為江外之名邦不特

閩中之要地凡諸可傳悉具于後

宋淳熙臨漳志序

宋教授 李 綸

環千里而郡之必有郡治有郡治必有廨舍倉庫而後民
 得以雜處於其間有民雜處必有橋道坊市以為之聚散
 城池營驛以為之捍禦射圃學宮以為之教習社稷寺觀
 廟宇為之祠祀而遊觀焉其所資以衣食給用者則又有
 穀粟桑麻禽魚草木果藥巖茗之類夫民生而聚聚而交
 交而鬪巧以相高宮室衣服器械之用於是乎殊用取諸
 物物取諸土名山大澤廣坊平原之名於是乎著生息之
 蕃耗而戶口異數輸納之多寡而貢賦異等先後之習尚

而風俗異宜以賢愚相閒而賢者之聲角出隱宦相形而宦族之傳派遠人物於是而不可沒矣以如是之人物足之所經目之所擊其在高山流水殊觀異聽必有吟咏之發揚碑碣之紀載愚夫細民口耳之傳授者大有可觀焉一郡之治千種萬流經賢明二千石日琢月範積有歲時美者有加惡者有減近世博物君子多取而述之以爲一書盧潮之圖經延平清源之志是也漳之爲郡自陳鷹揚肇翊于唐之垂拱而天文地理可書周名第唱文于元和而風俗人物可書我朝皆以循良爲之守其所以成就藩飾之者無一而不可書可書而書不作無乃使人疑夫不

作之爲愧哉我判院趙公縉來式是邦其規模天造神設有光於前于此而不書是無時而能書也鹽初由官鬻民不苦官鬻而苦戶均口率之苛公一旦下令蠲去均率民得以持錢挈榼就官市鹽如平人交易公私便之矣瀕海有戍始爲盜設也旣而盜平戍不休民反擾于戍公檄罷之民至于牛酒往來隣里相爲慶賀曰太平官府乃今見之郡卒之督下邑歲供者先是相踵于道率倚郡命多爲邑民病公曰何至倣吾赤子命郵木匣以往專示之信自是民不知有卒而輸期迅矣巖棲谷飲之民耕植多蹂哺于象有能以機穽弓矢斃之者方喜害去而官責輸蹄齒

則又甚焉故民寧忍于象毒而不敢殺近有獻象齒者公以還之民且令自今斃象之家得自有其齒民知斃象之有獲無禍也深林巨麓將見其變而禾黍矣州學舊門庫且隘中涵凌雲之堂殿于道爲不稱公命廣以櫺星內熒外照制度不偏士之由以出入者始大其觀矣公之政大率先撫字尊校庠務使天子德意條暢乎山谷川澤一無底滯而後已故其緒餘所適見于剪繁滌穢鈐剛囿柔者雕雕然不可掩人報以稀訟天答以歲稔而其和氣休風扇動感發則又有非尋常人力所能致而至者公旣廣州學櫺星門又命新儀門新之十日有槐生于門上之堊三

莖莖各七葉聖以灰和竹筋爲飾無可着之土而槐之蒼翠經月不厭人皆謂三八之應每歲郡士之與計偕率二十有一其擢第春官者不過三四爰自公廣學門之後父兄之誨子弟必重以母愧我公櫺星爲囑遂至市無遊吟野乏環佩曉窓夜螢達乎四境而公所津遣者果十人釋褐殿庭下此其爲效自垂拱以來蓋未之有然則前此之不書也非不書也未能書也公政鑒舊郁郁乎文哉山川土地禽魚草木固自若也而其風俗之移文物之盛剖決呈露士論之欲書者如李牧田單戰卒鬱勃發揚思奮其勇于拔距超石之地雖欲弗書烏得而弗書闔十館之士

漳州府志 卷之四
以其意見告綸轉以之馳謁于公公曰惟山水城郭宮室
風物人賢之書則可在政事則不必書夫以漳士紀漳俗
極所美而無隱恐後人莫之信或有遠來之賢能習漳俗
始末者得一二人以秉筆雖大畫深刻後世必無敢議者
漳之美庶乎其無毫髮湮矣綸退而徧尋諸郡縣學得二
人焉曰莆陽翁亢三山許懋遂以淳熙五年秋月成書

嘉定清漳志序

宋推官黃桂

方輿圖志古也漳州自唐始得爲郡宋興天下一統郡國
悉以圖書來上累朝熙洽禮樂事備中興以來生齒日繁
漳之事物益非昔比圖書所載尚矣顧今增之不已多乎

曰是不然孔子述職方以除九邱夫邱言聚也九州所有
土地所生風氣所宜皆聚此書孔子去之何也周官大司
徒掌天下土地之圖周知九州廣輪之數凡山林川澤原
隰名物皆辨焉亦足矣又有職方氏之圖若人民也財用
也九穀六畜也利害悉記曰山鎮曰藪澤曰川曰浸曰區
產曰民生男女之數細大不遺職方氏之圖詳于廣輪之
數而九邱之書其視職方之圖益又相遠然則職方述矣
九邱自亡用也孔子非除之也嗟夫天下者郡國之積也
郡國所志志一郡也天下所志志諸郡也天下志諸郡以
爲志則諸郡所志者宜詳不宜畧也祥符四年尚書職方

准勅遍牒諸道州府軍監各令脩圖書如法架閣脩掌其
 意遠矣豈非以今既異于昔則畧寧過乎詳淳熙丁酉顏
 定肅公師魯作漳州重建州廳記尚歎惜四百年間漫無
 所考抑漳之圖經昔猶畧乎哉今距淳熙初元四十年矣
 戶數人物視古繁阜城池學校驛館輿渠道途阡陌變遷
 廢置總總也前後出守是邦者類皆名公卿或因舊而更
 新之或昔未有而創為之或前未畢而續成之或已廢絕
 而振起之其關風教補治道不少也前政皆未及耳失今
 不記恐後之視今猶今視昔也嘉定六年夏黃堂寺丞趙
 公以其事委秋官方杰本之唐宋之經參之淳熙之志旁

據公牘遠採碑刻或文籍所載或故老稱傳及耳目所親
 記皆摭其實詮次之三閱月書成屬桂為之序桂不得辭
 也中元日郡從事三山黃桂敬序

淳祐漳郡志序

序原有闕文

宋通判王南一

漳隸閩接廣要郡也郡舊有圖經續謂之志國朝自祥符
 至嘉定二百餘年屢經刊輯推以白今撮其綱要舊序詳
 之矣闕載其間郡事豈無關於風化之本原生民之利病
 失今不記則建新學闕貢宇者誰歟置桂莊立小學者誰
 歟奏罷高荒俵寄產錢納苗米聽民自槩量者誰歟奏代
 納民丁罷鬻鹽議行募役者誰歟創龍江書院以廣教養

創虎渡橋以濟往來者誰歟淳祐癸卯冬郡文學趙君崇
 珩請于郡侯寺承章公曰公自下車若學校若貢闈若溝
 渠城關之類靡不脩舉獨清漳志板老字漫若何公曰余
 始至欲脩故府所藏南北史奪于勦山寇而未遑行將受
 代不及事矣是舉適契予心君其王之趙君力董厥事旁
 搜博採正訛補闕易而新之屬南一紀歲月南一以章公
 之政足媿前脩趙君之請足闕後世於是書

明正德漳郡志序

明郡人周瑛

正德庚午歲吏部以漳守闕員上陳侯姓名于天子俾守
 漳制曰可侯武陵人也名洪謨字宗禹其學得之尊公羽西

谷先生封主事公侯為人寬厚而博大誠信而周密既登
 進士第歷南北戶刑二部郎中鬱有聲望及守漳凡錢穀
 徭役甲兵獄訟諸事若孫囊中所有而順寘之矣至于事
 有關於教化風俗凡可以轉移人心斡旋治道者皆汲汲
 焉為之而惟恐後蓋其志欲以古人君子事業自見不以
 世俗稱能吏者自居也嘗語同官羅侯甫阮侯芳許侯廷
 用曰郡縣誌所以紀載治道使有所考據而推行之者也
 漳建州自唐垂拱至大明正德壬申歷八百有餘年惟淳
 熙嘉定淳祐六七十年間凡三脩志其他上下寥闊無聞
 非闕典耶諸同官曰事待人而行公勉之毋使他日之嘆

今日如公今日之嘆前日可也時提學副使姚公鎮以古
行奧學爲斯文領袖聞侯是舉有關於風教力獎成之侯
乃專介捧書幣北走莆田告瑛曰漳志之脩洪謨竊有志
焉敢以累下執事瑛先世有戎籍于漳之鎮海衛漳亦鄉
郡也瑛蚤歲嘗與漳諸生同計偕矣况漳登雲嶺下先墳
在焉每翹首南望神爽輒爲飛去乃受書幣奉以告于祖
宗又以告于族之人族人以予年耄荒贍予行時子大謨
領鄉薦在家請予侍乃以壬申歲五月赴漳旣入境陳侯
郊迓禮甚恭卽館有司各以供具至少閒從事者請蚤日
開局瑛辭曰古者去國展墓而行返國展墓而入予未展

墓安敢事事翌日侯乃遣官送予鎮海予望先墳而號者
三俯仰瞻眺若有所失明日乃具牲牢以祭于墓比終事
而返始從事筆硯告陳侯曰我國家疆理天下以司統府
以府統縣此其大綱也以吏戶禮兵刑工分管庶務此其
節目也大綱者古今通制而節目乃放周官而推行之也
欲論治體宜有考于是自祝穆氏著方輿勝覽而脩郡縣
者多祖之往往標題山川點抹風月寄興聲趣之表而治
體微矣此予所以每撫卷而徘徊欲語人而復止也不知
侯召我將何以教我陳侯曰洪謨嘗觀莆志矣請以脩莆
志者脩漳志可也瑛曰謹如命先時侯嘗令六縣備採事

蹟以來又聞已故林生祺著漳獻備忘因取以來既開局
乃慎選郡縣諸英俊若高生騏黃生芹王生淵鄭生衷蔡
生烈相與從事瑛得會萃而觀之參互而考之定吏戶禮
兵刑工爲六紀如莆志焉者因令某生治某紀而予得以
擇其中每篇第成陳侯親自考訂而後授之及古崖黃侯
芳由翰林來貳于漳復相與訂正而授之梓若夫人物一
志乃陳侯舊所去取而予携歸家重審覆而定焉者書成
大方伯陳公珂憲副姚公鏌既序諸首矣僉謂瑛于後不
可以無言瑛聞天下大小事志專則立志分則奪漳志所
以成者以陳侯志之專也初其間亦持異議惟陳侯志專
故異議亦定矣開局以來百凡用度皆陳侯自爲計未嘗
以賦諸民而附郭尹史侯立誠或相之也予年邁陳侯專
命丹霞驛丞袁哲以侯予哲用命故予得免於疾病而終
厥事云

正德漳郡志序

明郡守陳洪謨

正德庚午夏予承乏漳南郡事執掌若未易以號令爲者
且夕祇慮每欲稽載籍以資化理詢諸學官衆故老皆曰
亡之旣而民訟其先世遺物有曰清漳志者亟呼其人俾
持以來則紙敝墨渝漫不可讀揭其端乃宋淳祐志也志
羅絡舊事又知有淳熙志嘉定志其目雖存而書亡矣用

是慨然有動于中亟欲脩輯之以承百廢之後日不暇給
越明年政稍通乃謀郡邑諸文學以卒前志諸文學唯唯
遂命兩學諸生林祺輩取山經地志大明一統志八閩通
志及所得淳祐志凡有涉于郡事者悉皆採錄又命教諭
陳徵徧詣諸縣廣詢博訪凡有涉于縣事悉皆採錄而漳
州鎮海衛事蹟亦備採以來竊念作志非難作志而信今
傳後爲難莆致政之老翠渠周先生者非其人歟或曰翠
渠翁足跡不入城府者已二十年恐不可致用是遲徊久
之後訪知翁發跡于鎮海先大夫墓在焉乃具書幣介顏
生階蔡生烈詣莆以請二生者懇懇爲致予意翁悽然曰

脩漳志固予願也因而得展謁先墳尤予願也予其行哉
歲壬申夏五月翁來漳予率官屬耆老郊迂翁舉止健康
耳目聰明無異少壯予私喜曰天其相予有以成此志哉
翌日翁往鎮海展墓余飭屬官以待及歸治館龍江書院
擇諸生謹愨而文者四五人以待是歲閏五月開局至十
二月書成三之二其列傳諸卷未脫稿翁以歲暮辭歸其
家閉戶不出又數月書成仲來授予入梓予得而讀之蓋
翁之爲此志惟以脩明治道利益生民爲本若夫荒唐恠
誕與吾儒論異者皆不在所錄其法以六紀提其綱以本
事疏其目以經史百家爲根據以組織其說凡一字一義

必精思妙契而後命筆有未合處雖數易而不憚煩烏虜
是可以信今傳後也無疑矣書凡三十卷釐爲八卷凡民
生之休戚風俗之美惡人物之臧否政治之從違得喪皆
於此乎繫先生以耄期之年而成此書固天有以相之矣
此洪謨之幸也亦後來司牧是郡者之幸也工旣訖功廼
識數言于其後以見作志之首末如此云

嘉靖漳郡志序

明郡守盧璧

漳前志脩於正德壬申不續者四十年矣南靖分而爲平
和漳浦分而爲詔安漳平之聚賢里割于延平之大田非
惟新者未載而舊者亦非其舊矣是故覽者病之嘉靖庚

戌余方以海防事待勘卧病郡齋時通府陸君體仁攝篆
郡博俞崇魁等率其諸生蕭應麒馬蒼錫王堂林應元等
以志事爲請陸君以告于璧璧難之陸君曰諸生能爲之
稿願勿辭旣而應麒蒼錫與王堂林應元四生各錄其所
爲稿郡人教授陳君富亦博採故實以告遂不容已乃檢
故牒參各志間訪之故老質之高明而類編成焉維時陸
君暨諸同寅龍君遂謝君承志李君日森各先後至裨益
實多媿余涼菲不足以承之爾旣脫稿乃請于中丞張公
侍御曾公沈公文宗朱公俱蒙不見絕遂刻付郡齋用爲
將來筆削之地其工費則陸君與璧之自措他無擾也前

志板具存後有作者其尙考焉

萬歷癸酉漳郡志序

門郡羅青霄

府之有志猶古諸侯國之有史仰觀天文俯察地理中紀人事其間盛衰休咎是非美惡所以昭勸戒而裨政教其關係世道非淺鮮也漳自有唐將軍陳公元光于此撥亂反治開疆啓宇郡治之所由設歷宋益弘以顯大儒朱文公來守其郡勉齋北溪二公實羽翼之講明理學而教化丕振及至我國朝名宦鄉賢彬彬輩出文獻足徵稱爲海濱鄒魯信不誣矣迨後風俗漸澆政教未洽賦役不均囂訟大肆山海寇賊每每竊發當事者隨時經理建置倍作

始設六縣繼增而八至嘉靖末年又增而十矣天運而人從時至而事起理勢則然也因草旣殊述作亦異則志可無脩乎訪宋有淳熙嘉定淳祐志我國朝陳高吾公脩壬申志盧玉田公脩庚戌志及予至郡前志燬于獄犯而詳畧不可考矣乃謀諸同寅諸君子請于兩院司道諸公允脩之乃會諸鄉先生講求故事屬王生豸草創其槩總裁干謝吾溪公討論而潤色之公在戶署時嘗脩部志守廣州時嘗脩府冊事宜三長悉備而于桑梓之邦則聞見習熟而品藻素定文兼述作而義存勸戒其慎其公其明宜不負斯舉也予以薄德叨守府事罔有善狀以續前脩而

因事建議期以保境息民興教淑士如醫之因病而藥之不知對症與否而欲活人之心則固有同然者間亦見脩志中有可作品味之佐使者在醫手采擇之耳志既脫稿適巡臺南昌劉公出按于漳檄取府志裝帙以呈命刻之梓工竣事諸先生屬予爲之序予愧不能善漳之治而志中所載可以善治者則固有在焉來者取而行之未必無小補也語云施藥不如施方又云方雖傳于古人效不必自其已出是志也固善治之方也此諸鄉先生所與人爲善與予諸同寅共事之意也因書之以告觀斯志者以識脩志之歲月云

萬曆癸酉漳郡志序

明郡人謝彬

漳有志肇宋淳熙嘉定淳祐間淳熙嘉定無傳淳祐家有藏者然董董歷元逮國朝正德壬申凡二百餘年守陳侯洪謨始創脩之又四十年爲嘉靖庚戌守盧侯璧續脩歲乙卯二板俱燬于變嗣守桂侯嘉孝唐侯九德極力爲脩俱未就隆慶庚午忠州羅侯以官大夫來任勵精爲治凡政有利弊悉罷行之其大者如脩譙樓繕城堡建書院禁刁訟興教約正田賦減餉銀練土著以省客兵通商稅以補民糧清廟寺之租置學校之田具如志所列瓊者未易更僕而尤加意于郡志忽一日召郡士大夫宴于攬勝亭

酒半言曰漳闕志久矣諸大夫皆土產能知地方事爲稔已嘗命儒官王君豸彙爲章尙有待于脩諸大夫其圖之因舉觴屬彬曰君子諸大夫爲見事多幸爲我成之復觴主事金君鉉鄉貢士余君一愚曰二君其底協厥事予始受侯命未知所諾退而知侯實先以某某姓名請于諸當道弗克辭已則金余二君復以齒讓而併其責于予乃自爲已任顧前志以郡邑合敘侯命析而志之未免有費分疏又自庚戌以來地方之變故事體之改更若奕棋然不能坐而策之必諮于掌故者郡或行文書下縣官不暇省吏輒漫以應或匿不以實聞覆下之三四乃可得異日者

張局置員百執事各司其物侯則欲總覈名實不徒事虛文謂衆之雜不如一之專也故有叢百役于一身而莫敢告瘁始專于壬申之春迄癸酉夏凡四易藁始克就適代巡南昌劉公按漳侯以前藁呈命刻之刻成侯謂予當有一言以序其始末予謂侯既有序以冠于前予又何贅然聞之治郡猶治家也治家者凡夫男女之生娶田晦之坐置歲計之盈縮藏獲頑良與夫器物用度之繁門戶鑄鍵之守旣竭心思以理之而又于家衆之中擇其能者俾其司簿籍以專紀載雖甚弱子孫有所憑依以爲世守而姦人莫之敢覬覦者以載籍存焉耳侯之作志之意何以異

是予嘗憂邑籍之變亂日甚一日然詎知是志之存不有以繫黠胥之手足耶故郡志者邑籍之左契也徒作云乎哉繇是知侯之爲後世慮至深遠也侯又嘗語予曰昔宋趙判院脩淳熙志令勿書其所行之事今予所書有吾行事奈何予曰是何傷哉孔子作春秋于齊人來歸鄆謹龜陰之田不嫌于自叙若已有善政書之告後人適所以爲公爾矧載筆之事乎侯以爲然遂書以綴之

萬歷癸丑漳郡志序

明郡戴 燿

清漳當閩越外徼唐建郡梁山之麓遷治九龍則隋氏故邑山川風氣所鬱葢千有餘年于此矣五代干戈雲擾至

宋而盛由元入我明而又盛當其盛也人物斌蔚大事可書載筆者用能集所聞見而奮其辭世衰則否故五代及元無志焉宋之爲志者四祥符圖經淳熙嘉定淳祐諸志是也本朝嘉隆以前之爲志者三武陵陳公盱眙盧公忠州羅公所迭編摩前志是也今天子以神聖在宥又四十年矣仁滂施厚以及海隅漳實當盛際嚮馮山阻海芽蘖間作邇則比屋熙熙民垂老不識金草之事嚮以遠郡瘠邑宦轍弗樂邇則名賢接軫循績茂聲在在可紀嚮科目盛于數縣邇則陬澁遞徧新造之區浸埒望邑嚮士習帖括用梯通顯邇有擁臯而譚性命之學擗管而脩千秋

之業嚮致位九列指僅數屈今得時而駕卿貳中臺炳煊
宦牒者踵武相望若棉山航海泉貨充溢珠香象犀文貝
之屬輿服伎巧珍錯之利無脛而走海內不可殫計錄今
揆昔未見其止繇昔較今不可謂非風會極盛而志可疏
闕乎吳興昭余閱公守郡三載績成嘗語其同寅諸大夫
曰郡志四十載弗續久且益軼懼無以訂往詔來責在守
臣且夫志一郡而離折爲十往則陋矣盍是正乎會按閩
直指陸公有更脩全閩通志之議徵事八郡公乃檄諸令
長延致家食二三大夫及孝廉中綜貫舊典者委成焉于
是分曹授簡始壬子首夏迄癸丑春孟而稟輯成于時閱

公已擢臬使者仍莅茲土繼守爲宜春袁公又吾首邑舊
宰皆于郡事備嘗始末嘉與諸君子夙夜討究用是築舍
不惑殺青易竟凡爲卷三十有八爲帙十有二而屬不佞
耀序之余惟今志原本山川攷證沿革于曩牒非無因襲
而杼軸自出爲多綜典故則義約而該叙宦蹟則事徵而
核傳名行則辭直而肖憂時務則志隱而章其所取材自
正史裨官國憲家乘山經地紀琬琰之藏魚蟲之注有涉
漳事畢所蒐羅蓋衆思集衆美萃焉可謂曰志矣雖然非
其時弗志也非遇其人弗竟志也余聞宋判院趙公之爲
郡守是多異政順氣致祥闢州學櫺星門槐生于聖所津

遣上春官釋褐殿廷者十人爲時極盛矣于是淳熙初志出焉累政諸賢亦唯是民俗之已康阜治教之已和洽然後能注其精神以詢掌故方冊不磨令聞偕遠吳興公實以文武才經緯吾郡正俗一準諸禮官政無失其序稂莠以除嘉苗以殖羣士子雲龍書院而勤課督之肇闢泮池睢渙改觀慶雲兩現大有屢書是用賓禮耆彥釐四十年來未備之闕典俾有次第而哀侯以明德典郡又能繼而光大之以底厥成夫咸有古之心也哉以運會文物如此其盛先後賢守臣所注意如此其殷諸君子之能各殫所記聞勒爲成書備海濱外史予以鼓吹休明昭示文獻不亦宜乎余隱人也時時手茲編田畔若某水某邱近可搜剔遠可卧游又得備聞先大夫仁賢之行事怡然樂之而郡侯且命之言矣不可以膚陋辭敬筆其帙端數語識盛事云

國朝康熙甲午漳郡志序

福建 巡撫 覺羅滿保

志乘之作其源肇於班固之志地理更進而上則周禮職方氏之列九州夏書之禹貢爲最古然畧而不詳非不能詳不勝詳也詳莫宜邑志畧而不失其詳之意者莫宜郡志凡一郡之山川戶口阨塞闕津及名賢之遺跡忠臣孝子篤行貞烈足以扶樹風教而振刷末俗者皆當謹志以

海州府志
備稽考甚矣郡志之亟也清漳在唐時屬嶺南道其後改
徙不常至明洪武始定屬閩省當宋紹熙間風氣猶薄陋
洎紫陽朱子領郡定法制興教化而風俗稍變然欲正經
界上丈量之法而豪右不使其事多方阻之紫陽由是去
蓋化理亦綦難已余壬辰冬巡海上道漳之屬邑見連山
疊嶂崔嵬聳峙於雲中東南際海烟濤瀕洞咫尺千里島
嶼星羅隱隱可見而物產豐饒居民輻輳浩乎不啻一都
會卽其人文科第彬彬郁郁視古昔有加然海中島嶼錯
處而聞之溫陵粵之潮陽綿亘連屬乃其通路往往爲盜
賊所出沒近草薶禽獮漸無伏莽可虞然備不可弛而防

不宜畧也守茲土者誠當加意也栢鄉魏君念庭守漳六
載慨志久不脩或至零落因取前明癸丑戴君耀所序劉
君廷蕙所修者重加增訂掛簞得三十四卷蓋漳志惟癸
丑脩本爲善而癸丑去今已百餘年矣余披繙一過目凡
二十惟兵紀一編最詳自防汎城堡及戰艘兵馬額數塘
通瞭望巡哨處所纖悉畢具因喟然歎曰得之矣蓋志之
作非徒哆誇山川戶口人物爲美觀將紀其興除利弊與
夫阨塞險要建設之周密爲保障一方永圖以俟後有志
者當世數遼廓之時欲求其遺跡而較若列眉憑冊而考
如獲良師其大要旣具由是而及於山川之雄麗戶口之

漳州府志卷之四
殷繁賦役選舉之得失名人物產之瑰瑋而奇秀皆蜿蟺
磅礴之氣發皇於耳目而彪炳於縉素並爲茲土不可闕
之紀載不亦善乎故樂得而序之

康熙甲午漳郡志序

福建學政車鼎晉

郡之有志本周禮職方氏之遺掌在外史紀載務詳故通
達治體之君子必慎重而不敢忽然非遭遇

盛時政治人和則不暇脩非學有原本才與識兼則不能
脩卽脩亦不足以信今而傳後以是知志之所關甚鉅而
脩志之難幾與史等自古然矣余職忝史館嘗留意訪求
四方文獻向閱一統志知東南形勝閩爲最閩之形勝漳

爲最地靈人傑大畧相符客冬奉

命

來視閩學輜軒所歷沿上游達福省自福而興而泉而漳

雖風土不殊而漳郡雄跨綿亘山川之勝又甲他郡閱文
武生童試卷凡二萬五千有奇中多清剛拔出之氣蓋山
川鍾秀於是而官斯土者拊循教誨之功爲不可沒也

太守魏君念庭示余所脩漳州府志三十有四卷例精而
嚴文贍而整事該而核網羅明萬歷癸丑以來至今百年
散失登載無遺彬彬盛矣考漳郡在閩東徼統縣維十壤
接嶺南海山環抱扼廈門澎湖臺灣之險其控制撫馭比
他郡爲重且難曩三藩作逆山海交訐漳郡蹂躪尤甚幸

漳州府志

舊序

三百八十四

賴

德威遠播克復底定臺灣收入版圖數十年於茲山無伏莽海不揚波漳雖遠在天末而聲明文物增倍於前此皆我

朝深仁厚澤之所涵濡及封疆大臣承宣德意以致昇平如此其極隆也志久闕不脩其何以示後余自來聞稔聞輿頌知文武各當事和衷一德表正僚屬而魏君涖郡六載體

上憲之意愛民禮士使十縣方千餘里之地肅然就理因其暇日汲汲於郡志之脩延聘郡中賢士大夫參訂成

書

聲教之盛垂久遠而彌光百年文獻亦藉以信今而傳後也功何偉哉抑漳郡爲朱子舊治之邦自南宋至今五百餘年禮教猶新名賢輩出舊稱海濱鄒魯魏君爲

栢鄉相國哲嗣承家學淵源爲政知所先後最大者倡明正學作興人材建

仰文書院于芝山之麓聚髦俊而親課之輯紫陽小傳刊布

學宮示士子知所準的其他脩墮舉廢移風易俗之美一以朱子爲宗則此志之成又以見賢太守之政治紹前型

而昭來裔於是乎在故喜而爲之序若夫建置規制人物風土詳具各有其發凡起例綱舉目張君與賢士大夫蒐羅考訂不愧良史材觀者當自得之余不具論云

康熙甲午漳郡志序

巡海道李鉉

漳郡志自宋淳熙至明萬歷屢次訂脩要因時紀載俾居官者有所攷據而隨地制宜審時立政採風問俗按藉可稽志之所繫豈不重哉顧自萬歷癸丑以迄于今百餘年間滄桑已易文獻無稽不無缺畧之憾矧我

朝

來建置規模其恢宏遠勝於昔不加編纂孰悉其詳用是念庭魏守慨然引爲已任討蒐前乘延訪諸儒廣羅博採

旁集遠搜凡一郡中城郭關梁之廢置山川疆域之險易戶口丁糧鹽屯水利之增減學校祠壇選舉兵制之損益以及循良茂德忠孝節烈理學詞章後先畢紀下至一名一物一技一長苟有可取罔不發幽闡隱哀而志之捐貲而梓之爲冊二十計卷三十有四歷二寒暑而其事始竣旣成問序于余余以漳郡阻海負山自唐以來變遷非一今則爲閩粵之襟喉屹然稱爲重地其間險隘阨塞之區因革措置之方生民之休戚治化之本原講求宜亟矣苟記載闕如則雖欲酌古斟今脩廢舉墜而往跡已湮舊章罔據欲求盡善不亦難乎此志之脩不獨補漳郡百餘年

文獻之遺俾目前有所考證瞭如指掌且使後之官斯土者展卷之餘而所爲隨地制宜審時立政化民成俗之事皆得有所依據不致迷於所從矣余固不能文喜其事之爲益甚鉅而所係綦重也于是乎序

康熙甲午漳郡志序

國朝郡
蔡世遠

康熙庚寅春柏鄉念庭魏公奉

命出守吾漳時余在京邸公以治漳之政下詢余曰夫正己清操撫民率屬公之本所學以措之治者無待予言也顧吾漳郡志自萬歷至今闕百年矣此政事之大者非公莫可公慨言曰是吾責也治漳三年政治民和百廢俱舉公已得其山川戶口風土人情盛衰因革之大概余時讀禮家居謂余曰京師所言者今可以行矣願以相屬予退而慘然不寐者久之曰嗚呼故老盡矣薦紳老成備知明季

國初之事者凋喪無餘余小子何知敢與斯役且吾漳自百年以來兵燹頻仍典籍散失守令將校尚有不能紀其名者况於鄉曲里巷匹夫匹婦之微其孝義節烈烏能家考而戶按之也哉顧及今不脩後將益難因與陳君石民李君麟蒼陳君少林汪君嘉仲等經始於癸巳四月公不憚搜羅不惜糜費凡九閱月用就厥緒甲午春余以服闋入

都人物賦役二卷未及定稿陳李諸君相與續成之首末序論以及義例傳記公又增損而潤色之是冬剞劂告成公以書來屬予序之予惟賢人君子之為善也非有所慕於其名也而名卒歸之庸人之不能為善也非有所顧於其名也名亦不及焉然迨其身已沒其子若孫往往以得載志乘為榮以不得與為辱豈非恒性之若秉彜之好有不可泯者耶維漳建郡始於唐初僻陋瀕海然山水峭冽鬱積雄奇有宋朱文公涖郡以後陳北溪王東湖兩先生親承其統緒道術既一禮法大明勝朝陳剩夫蔡鶴峯等又起而賡續之沿及明季周忠愍黃石齋何黃如諸公氣

節文章尤巋然為天下望流風餘韻至今猶存吾漳人之不自菲薄也得無望前脩而加勵乎且夫訪古者考其山川審時者識其風物察變者詳其沿革官斯土者雖千世百世之遠猶得按其官蹟姓氏而知其賢否有所鑒於前斯有所勉於後而凡生斯地者知科名爵位本不足重要惟砥行脩名者之得垂休光於無既也是則公所以脩輯是書之意也夫

康熙甲午漳郡志序

國朝郡人 陳元麟

元麟自幼侍先君子嘗談里中明季及國初遺事喟然曰漳自萬歷季年志乘已闕今文獻衰矣後人焉取信耶迨

柏鄉魏公來守是邦下車卽與太史梁村蔡君共商此事
越三年治績旣成諸事畢舉進元麟命之曰漳志之必續
吾子之志也敢以請余謝不敏乃與梁村太史陳君少林
汪君嘉仲李君麟蒼共從事焉搜殘編僅得萬歷癸丑志
自圖經以來若淳熙嘉定正德諸志俱不可得而各縣所
脩多踈畧龍溪南靖併舊志失之於是魏公乃於諸邑各
延縉紳文學括取蒐羅續殘補缺凡三十四卷其有緣誤
失據歷久相因輯而改正者分野從揚西溪稱南之類是
也其有桑田改變經制非昔近事必詳者若兵紀之條增
以海防之類是也其有制度從時典章異軌證以新脩會

典若官制學校之類是也其有因革利弊動關民瘼存爲
法戒若錢穀里役鹽課屯糧沿丁丈量大當小甲之類是
也其餘或續或增多因舊例不敢妄更惟至人物一書揆
之前人舊志當時亦或稍過揄揚後人更脩悉多刪定非
刻也蓋一時執筆不能盡伸已意不無少徇一二傳至後
世公論乃定茲則爲日已久傳聞異辭非有確據善善從
長姑如其舊不敢或刪惟是明季傳人邇時碩士哀而輯
之無取于濫雖然一十邑之採取百餘載之傳聞敢謂收
錄盡屬無譏亦望後之君子嚴以教我雖不敢謂一時之
筆或有微詞亦庶幾百年之後始定公論是是非非削而

裁之元麟輩其敢逃罪哉嗚呼戰戰兢兢俟我後人以答魏公之命亦政念之乎

輯漳郡誌題詞

康熙甲午

知府魏荔彤

志自明萬歷癸丑至今恰百年未脩荔彤於康熙庚寅秋來守茲土深以文獻散替爲懼請命於列憲延賢於紳袍集力於僚屬而緝於成始於癸巳之春迄于甲午之冬計期七百餘日計字八十餘萬計工費一千三百餘金爰述其慨而識之曰志以載事久則無徵事乃紀時繁而易軼代遷者如歲功往宜逆觀其迹也續起者如朝華來當順察其情也跡與心會存其可存情隨世移變其應變究之

可存者不待人而自存矣應變者將及時而自變矣是以一筆褒嘉千秋師表者其鏡乎一人清惠百代興感者其風乎如鏡之無幽不燭斯無微弗闡也如風之無遠不屆斯是故咸新也望古遙集有時與善長而揚之舉之非濫知人尙論有時取物精而綜之核之非苛甯以一器許偏才不因一青掩大德傳百行不敵蓄吾私擅三長何堪枉此直前開後繼間出者荷責顧重也譽恩毀怨中立者擇術非工也仁者愛身然不愛身而仁乃全知者知人然不任智而知斯著仁非冀知者之知而仁以知久知必辨仁者之仁而知以仁大然則志載者仁之事歟載志者知之

事歟故愚忠愚孝喜寬其途非聖非法必峻為拒收羅放
 逸未嘗去準繩權本於經也屏絕隱微未嘗踈軌範嚴不
 為惡也信昭於今疑闕於古始無疑知卸其功罪任其怨
 庶希怨不忍百餘年忠孝節義委之里談巷議不為檢收
 不甘七千里聲名文物沒於蠻烟瘴霧不為彰表化思美
 俗思淳在秉教司政者厚其德耳良有勸楛有懲在採風
 問俗者旌其善耳一郡如彈丸為鄒魯非大一書加敝帚
 繼史漢不孤文章得失寸心先知人物臧否百年後定滄
 桑陵谷靡恆也學士言其有常而已繁盛奢華未艾也君
 子防其叵測而已士必讀農必耕女必織忠厚勤習者習
 俗之源乎政斯平稅斯薄刑斯簡澹泊甯靜者風教之本
 乎載舟覆舟者勢也出爾反爾者理也盤錯不治非利器
 矣經術不效真俗吏矣惟其裘帶蕭然可以折衝樽俎惟
 其風雅彬彬可以宣導教化是政與教相維也經與史相
 通也此輯志之意也夫

補刻漳州府志序

知府調南陽府知府特通阿

按乾隆丙申漳州府志為郡守遵化李公維鈺長白
 雙鼎公所修前無自叙此嘉慶丙寅郡守特公刊補
 闕葉序也

漳郡之志在宋凡三脩在明凡四脩入我

朝則再脩我朝初脩於康熙甲午柏鄉魏公王之其書行

漳州府志

卷之首

舊序

三

繼脩於乾隆丙申李雙二公共成之其書未行考其未行之故則以志成之日上之藩府中有未合者命加改正後館局已撤未及釐定其板遂廢棄學中三十年無有人踵其事者嗚呼其可惜也已余奉

命來守

是邦即欲以續脩郡志為務誠以志也者紀民生之利病載風尚之盛衰綜化民成俗之要詳因時立制之宜固政治之師資得失之考覈也初至之日奔於吏治而不暇及今歲商之紳士議將設局矣適又奉 調南陽因以

中止余謂漳志之作莫難於甲午莫易於今日甲午之志上接萬歷癸丑中間隔 祀者百有餘年從滄桑兵火之餘

蒐討編輯存什一於千百宜其難也丙申上距甲午六十餘年而今上距丙申止及其半攷其遺文則載籍尚在訪其舊事則故老猶存故曰易也夫今所由易者以丙申之志存也而漳之人不以是志之存為幸零編斷簡仍其散亡則自甲午而下無所紹承由丙申以上失所紀載後之人重欲網羅舊聞蒐採故實將事倍功半豈不重可歎哉余既念余志之未成也而尤念是志愈不可沒亟命林教諭茂春收拾遺刻將亡佚者補梓二百餘葉還其舊規以貽後設後有留心掌故者延訪名流重加訂正請之大吏用錫弁言則余雖未獲從事是書而脩殘補缺俾踵脩者

得由後日上接丙申由丙申上接甲午由甲午上接元明
兩宋將漳邦文獻數百年綿綿繩繩藉以不墜是亦余所
深幸也役既竣遂書以綴之

康熙志徵啟

蓋聞畫疆分理郡縣卽綏甸之遺載筆紀言乘志亦春
秋之意

聖代總歸一統史材不乏馬班剖符列在遐方考鏡必資
文獻惟全漳之重地實七閩之奧區環海負山踞形勝
於龍江鶴嶺鍾靈蘊秀產英奇而鳳起蛟騰鮑謝庾徐
風雅固多哲匠關閩濂洛宗源更有醇儒建置提封不
免時移物換清操潛德尤資闡發褒揚惟典故不失昭
垂斯後人有可傳述粵稽漳乘昉宋淳熙次第成書迄
明萬曆繼而鯨波屢沸往事已易滄桑兵燹相仍散佚

未登簡冊幸今遵道遵路

興朝之制度維新足信足徵十邑之規模非舊此纂脩在於難緩而搜討尤所宜先者也荔彤忝沐

君恩謬膺邦帥盡忠補過愧三年鮮利濟之施事舉廢興懼一郡貽闕畧之憾爰是詢謀耆舊敦請名賢比事屬辭藉才萃而潤色旁搜廣覽期大小以兼收分而言之如疆圉統轄有遷流貢賦丁糧有增減城池解署水利津梁有創改學校壇壝廟祠祀典有更移官制有裁留鎮營有添置又如倉庾郵傳鹽法屯田莫不因時以制宜舖舍市廛汎防關寨又皆隨地以立法曩昔之災告

變亂殷鑒宜昭邇年之瑞應祥徵堯年可紀又如監司守令旣饒政績豈靳流傳選舉薦紳不負科名當詳甲乙閩外秉戎生嶺海之間偏多傑士寰中戡亂恐竹帛之載尙有殊勲至於儒林經術之明道立德學士文人之揆藻摘萃孝子忠臣義夫節婦固萬古之不磨流寓隱逸方伎仙釋亦一長而勿棄此外藝文體制均屬可傳遺事見聞亦在必錄伏惟鉅公先達不靳琬琰碩德高賢弗私什襲或如椽之著作或在枕之秘書或家傳或別購或刊本或手抄無論文集碑銘傳記實錄以及山林野史斷簡殘篇悉出所藏送致來郡不輕出者善

價以治不求售者借抄還壁庶幾按摠明審昭備法戒
百年之因革損益賴此以傳一郡之文物聲名永垂不
朽豈惟清漳之地靈人傑載其寵光屬在守土之補闕
脩殘實有榮幸焉皆

康熙五十二年歲次癸巳季春月穀旦

漳州府太守栢鄉魏荔彤 具啟

康熙甲午漳州府志凡例

一宋有淳熙嘉定淳祐三志明有正德志嘉靖志萬曆癸
酉志癸丑志正德志分吏戶禮兵刑工嘉靖志無提綱
只是散叙癸酉志則以府縣分志癸丑志合各縣爲一
分十三總目曰輿地曰規制曰祀典曰賦役曰秩官曰
兵防曰人物曰坊里曰風土曰古蹟曰災祥曰方外曰
藝文曰叢譚體裁比舊志較善今稍爲更定去輿地之
目就中標出星野山川建置疆域各爲一目而以形勝
入於疆域規制中標出學校另爲一目人物中標出選
舉列女各爲一目去坊里之目而以其中市鎮舖舍麗

於疆域以橋梁津渡水利坊表養濟義塚麗於規制去方外之目而以寺觀塔廟附於古蹟以方伎仙釋附於人物餘多仍之

一舊志山川做禹貢成文聯貫錯落經苦心裁鍊而出今仍之其名勝如雲洞瑞竹巖獅子巖天柱巖清泉巖九侯巖九層巖等類原附於本註之下今另標入古蹟中以便觀覽而于本註載云有某所名勝詳見古蹟其巖洞泉石有附在本文者亦仍存其名而著其詳於古蹟一祀典有通祀特祀而以生祠附焉至有廟宇雖極壯麗而無有司致祭者槩列之宮廟中

一舊志列屬縣以置縣先後爲序如龍溪漳浦龍岩置於唐長泰置於宋南靖置於元明成化間置漳平正德間置平和嘉靖間置詔安海澄甯洋先後置於嘉隆間今仍之唯

本朝秩官宦蹟選舉賦役依憲綱以溪浦海南泰岩平和詔甯爲序云

一賦役自萬歷以後行一條鞭法

本朝由舊中間沿革增減康熙十六年以前各縣細冊燬於兵火止有漳浦詔安二縣新志稽考頗詳餘皆無可取徵今惟備載各縣徵銀起運存留總數則例而沿革

則各舉其大槩著於總論云

一舊志賦役鹽法船稅並載今船稅係歸廈門鈔關屬泉州地故不復載

一舊志薦辟最古然開郡自唐業以進士科爲重故列科目于首今仍之

本朝立賢無方材能異等及乘時自見之士是不一途均列之特用中而以勲爵賜恩任子并附于後

一前朝兵防各依舊志略加纂次

本朝水陸鎮營規制大異往代而又

皇上留心海疆故茲兵紀一編尤爲加意水陸凡各分七

條見在防汎城堡以及戰船兵馬額數塘遞瞭望巡哨
織悉畢具而於沿海要害繪圖以便省覽武職歷官各
列于後以武臣列傳終焉

一兵紀內各屬城堡有官建者有民築者有設防汎而城
堡見存者有設防汎而城堡已廢者有設防汎而所駐
不在城堡之內者有地稱險要雖設防汎而並無城堡
者茲摘其要害形勢分注于水陸防汎之下內有城係
官建者如鎮海銅山等處建置始末旣別見衛所如南
灣雲霄等處則別見城堡各從其類也若民城則不雜
入防汎別于官也廢城關隘嶺谷前人設立紀載原有

深意各附見以備隨時變易之用焉

一 人物代年代為序則韋布閭巷與縉紳交錯一行一善與名臣碩德相比次似非作史之體舊志不分卿貳臺省部屬方面等官有可傳者俱稱列賢惟理學儒材文苑循良孝行篤行等項則分類見之夫此獨非列賢耶今各分類以麗于後仍依各代叙次唯唐時開郡未久人物無多故據年代為序所分品目亦不過就中畧取其大者類而見之非謂文苑者必不能經濟忠節者必不能循良也亦有其人既不可以不傳又若無所出屬不得不依附以見觀者諒焉

一 人物凡舊志所收入悉因之但為分其倫次其中不無一二疑信者非的據不敢刪除善善從長也我

朝七十年間國初多明季遺人近者又事業方新其已傳者尚未多人當俟之後日所謂百年然後是非乃定云
一 明季以來各縣所志尚多茲擇其事業炳然學行昭著或一二大節可紀者採入餘不能悉登縣志從詳府志從簡也至全行未必可傳有一二事可嘉者則分繫之各事之下以存其實而論說可傳者亦收入藝文不以人掩也

一 宦蹟人物列女論贊大都不執一定如宦蹟中監司郡

守之後各有論人物中儒林循良之後各有論列女中節婦烈女之後各有論此其常也亦有因人因事而以論贊繫其後者不拘一格

一民風有舊俗相沿若有隨時隆替者今取舊志數帙著于前卽附以耳目所聞見者依類志之司牧者留心于此于政治風俗未必無少補也

一物產舊志詳矣然王化遠被異域來航苜蓿葡萄亦增漢產漳中花木菓品自外洋來者宜植甚多茲悉增入一寺宇之有山水佳勝者漳俗呼爲岩相沿已久今以入于岩洞水石中至寺院則列在宮廟之後而以碑塔綴

焉亦各以類見也

一詩賦雜文必於郡邑風土有相關涉者採之不然如名臣奏疏或雖有論著佳篇不敢登錄惟唐宋以來一二名賢遺藁亦不必有關郡事聊錄之以存古依舊志也

一舊志係前輩劉雲嵩庭蕙林德芬茂桂張理陽燮等一時名人所脩小序論贊淹貫古雅緣體要微分時代不同故不得不再掇以新構其論贊中有可存者則書舊志論以冠之或註明于後云

一漳志歷百餘年無脩故老已少龍溪南靖志又自萬歷中年至今無脩雖極力採取闕畧實多觀者諒之

一各縣雖有縣志然大約多在二三十年之前在局者不能遍訪博採彙纂各有專司郡城附郭則廣文徐君其璘海澄則明經周君祖詒南靖則明經陳君鵠雲長泰則進士林君瑩龍岩則茂才楊君植楊君棟平和則明經陳君璉詔安則進士孫君廷楷茂才林君大川南澳事蹟則都督洪君斌採問沿海事蹟則太學蔡君鏞各留心採取其有功茲集者不少也

康熙甲午漳州府志小序

漳自七閩分據僻在荒服千百年無所繫屬即無諸啟土叛服靡常元鼎元封間移民於江淮聲教幾弗屆焉泊玉鈐建麾剪荆榛驅狐貉始通上國風徽漸啟而豐稔潛滋沿革多故屬邑增置運會日趨於盛矣然難遇者太平易凋者生聚制防設險抑末也漸摩以仁義淪浹於禮樂斯盛朝罔替之化歟志建置

九州攸同列星分紀古者太史世其官書災祥察時政天人之事胥繫焉漢宣以後星歷占驗等諸述數縉紳先生弗道矣煌煌精氣上應下屬長民者容忘觀玩脩省之鑒

哉漳於寰宇雖蕞爾海邦然休咎一體痾瘵在民無或遐
邇異也故載分度明紀次亦洪範庶徵備叙之意豈徒辨
參商占水火已哉志星野

老子曰至治之民安土食業老死不相往來固不以封疆
之界域之矣然周官以邱甸井邑賦車則後世都圖里社
之漸也矧漳以山海環匝四履交錯寇戎潛警設險固圉
豈緩計乎乃相其形勢分其都鄙定賦式均道里使之鄉
里世守死徒有恆熙熙然各得其所勿走險於野勿登壟
而市庶幾安耕鑿循作息永爲皞皞王氓也志疆域

清漳嶺海與安之區千峯萬峯雄跨緯亘巖壑旣邃流派

愈繁名山川且不可勝紀培塿溪澗無論矣大抵可室廬
而居耕耨而食者十二三耳傍山多磽瘠近海半沙鹵雨
暘燥濕易爲乾溢則亦形勢使然然泉石峭冽磅礴浩蕩
鍾氣清勁士多負氣岸尙節概固興朝教養培積滋厚
而扶輿之清淑河嶽之精英亦多毓萃焉志山川

郡有營建以固疆圉民用恤窮獨也時至事起創制顯
庸要以施於公普垂之久遠者爲正逮世代遞遷損益莫
紀良法美意岌岌乎莫繼矣爰籍歲月攷興廢庶幾脩圮
墮繼美盛之君子思曩前徽卽一物一器可以利賴裨席
漳民者嘉惠厚德均弗替焉况其鉅乎志規制

萃郡邑之士於學使知以聖人爲法建之官師有義學廣於鄉曲有社學卽周官黨正州長遺意也蓋詩書禮樂以造士德行道藝以成材凡書升黷俊化民成俗之道權輿於此矣他如創書院置義田何非司牧者體朝廷養士作人之盛心厚贍其廩餼漸漬以歲月專一其志氣庶成人小子咸以爲聖人可學而至而勸學靡窮焉志學校郡國祀典仿祭境內山川之制勿僭勿瀆用協典則國家懷柔百神明禋由舊然崇禮聖哲宣贊文治東幸曲阜禮原廟大合樂祀春秋近復進朱子次十哲皇哉莫京矣漳朱子舊治近或不務民義况禍祥重巫頌庸可訓

乎爰列其名著其義凡農桑之本聖賢之澤食德報功馨香弗替亦求陰求陽之君子宜悉也志祀典

漳自唐垂拱建郡縣迄今官制增省屢矣紀乘多闕明末兵火繼以本朝壬辰乙未間海氛猖熾城郭爲墟安問圖籍然殘編遺獻猶有存者監司守令之綱守令吏民之本佐貳分猷師儒振教何職非效忠之地乎旣已驥首王路誰不欲光史冊永盛名顧事久論定無可倖致慎哉志秩官

則壤定賦義準什一藏富蓄怨惟司牧者詳之夫輸財盡力分也周疾恤苦仁也勿煩苛勿陂側勿膠常輕變而賦

役維均用之有時焉三代弗易矣漳山海磽鹵雖甦困息喘定制昭明然興革肇除待人後行者猶夥米鹽細屑民生國計攸繫綦殷苟遠慮長顧方待旦莫遑敢膜視乎民得賣五月之穀籍計口之筭斯有厚幸哉志賦役古以行藝興賢舉能敷奏明試之義代相沿也然乘時濟變殊途亟用而要以制科得人爲正漳郡制科固功名氣節相望薦辟門閥亦多樹立其或疆圉搶攘有挾智數材武自效者夫非立賢無方乎今中外乂安士罕以他途進萃千萬髦俊於兩試實行弗篤學殖弗深虛聲過情士之恥爾志選舉

國家建威消萌因時制變道與禮樂刑政相協非惟固吾圉也明初設屯衛擬唐府兵末年散弱難用改召募愈不振本朝神武肇造兵民分治農安業畎畝士戮力顛行經畫截然矣惟是清漳介在南服瀕海周匝揚波伏莽近雖蕩平而防要害謹備禦亦安不忘危之義也爰著爲論次凡有關戎事悉載於篇志兵紀

周官民功曰庸事功曰勞治功曰力戰功曰多書之太常祭於大烝風有位也漳自唐迄今逾千紀官師代承名蹟莫稽載在編冊者近數十人遠數人耳德昭斯業著實至而名彰影響豈有倖應乎故脩身加澤令譽茂永亦榮矣

哉不幸陸沉板蕩取義成仁大節凜然尤難沒沒焉志宦
績

天降維民地靈維人人其繼天地首萬物者乎珠輝於淵
璧潤於川人呈瑞於邦國均也然世值昇平拜颺志喜時
逢板蕩鼎鑊成仁順逆有殊遇忠良無二揆今與古甯異
道乎漳爲南州鄒魯固多君子河嶽所鍾也教化所育也
學者服習聖哲挺生 昭代應各以第一流相期許攷鑒
前型宏啟後效惟有志斯成耳志人物

陰隲下民厥有恆性男女固無異賦冠履俊偉之士希聖
哲親師友道義卓然矣及臨大節攷至行間多訾議而巾
幘張許閨壺曾閔反表表千古豈盡說禮敦詩之教哉故
臨難勿苟免與明哲保身之義分常變也婦人不從死與
節烈殉身之道辨貞淫也卽事或過激而志已可傳瞻茲
香奩光吾青簡鬢眉弗愧耳志列女

風俗之端成乎教化從隆從污惟風行草漳介南荒俗沿
朴畧紫陽振矣流風遺教猶有存者立國四維厥則昭哉
去奢而遵儉去華而存樸勿使流而愈下趨而日蹶惟曰
溯先正謹訓行俾海濱鄒魯日率乃新君子之教誨尙規
防亟肅焉志民風

物產識小也然古詳載地官是有生物之法有用物之權

有因物節物之道國之大事於是乎脩官之賓旅於是乎取商賈往來貿易於是乎通羣黎日用俯仰於是乎給矣漳山海澆鹵化育維均爰哀而紀之衣食粟布而外無異物可貴苟養生送死無憾曷多求焉志物產

秦漢以前南服朴畧其俗澹悶其民蚩蚩無蹟可紀郡有山水遊覽之勝樓臺登眺之區乃唐宋來通上國任賢豪增飾聲名文物之一或事以人傳或地以物靈要使憑吊者還而不舍覺胸中有故觸之難已則雖荒烟蔓草斷壁頽基皆足留連慨慕弗置焉若夫佛宮道觀舊塚殘碑亦博攷備載明典廢鑿賢否咸好古者寄心也志古蹟

著書自漢書後僅載總目嗣則採錄其文文明漸啟富有日新豈踵事增華哉將營建之終始政教之得失風俗之淳漓成於斯鏡之而且揆國華徵邦瑞附於三立用垂不朽顧容缺畧弗脩歟漳故人才藪詩溯正聲文昭儒術不惟稽古之士矜式風猷卽閭閻休戚時勢利便一觀覽而興起綢繆經畫無敝非止吟題花月標紀山川而已也志藝文

春秋立訓嚴紀灾禘蓋謹天變慎修省天人之際微哉若必動言徵應隣於附會矣古大人承天命重民巖無不承以翼翼之小心固未嘗表雲物誌嘉祥以啟迂怪不經之

漳水府志
弊而緩福荷祿竟靡爽焉若夫伏莽揚波山海多故植頑
民梗化或赤子弄兵豈逖聽遐聞聲教未易覃被歟語云
堅冰易至滋蔓難圖則謹小慎微罔非聖人明訓也志灾
祥附寇亂

雜記之編史所謂記其軼事也我思古人一言一行終不
忍沒俾攷鏡者博辨有徵耳乃若山川陸沈關乎地脉風
俗乖僻係于人心苟可備文獻之數槩可忍乎哉惟是見
聞異辭語或謬濫約畧節取歸于諷寓而已夫國風所陳
每增春秋之缺爾雅所志亦補周官之遺孰非操觚者當
加意耶志雜記

乾隆丙申漳州府志比例

一史記列八書于前世家列傳于後漢書列十志于前列
傳于後八書十志志事也世家暨列傳志人也志其事
而後之施政者可以監古而觀其會通志其人而後之
論世者可以多識而遵其矩矱前志門目二十斟酌完
備今略爲區分自災祥已上皆志事也自列女已上皆
志人也終之以紀遺蓋事與人兼焉

一事列于先而事之中又有序焉人列于後而人之中又
有序焉太史遷自序載于篇終今師其意作小序明作
志次第相因而起臚於各篇之首法書序詩序之例也

一歷來郡邑志或列星野于建置之先其意欲尊天也鄭氏康成曰星野者星所主之野也不知其野何以仰觀分星故建置第一而星野次之

一自龍巖分州後疆域版圖今昔不同其道里遠近據冊登載復繪圖列于篇首開卷瞭然至于漳浦平和南靖詔安海澄亦屢有更換須各詳記其山川土田某年割入某縣一一注明以便省覽

如鎮海銅山等並改載撥歸某邑惟南灣為閩粵分疆國朝特設鎮帥同知駐劄以固封守兵民戶口土田賦稅各有專司特為紀載殿于後

一山本同而未異水本異而未同觀其條理而脈絡現焉循其脈絡而形勢生焉前志敘山川本之禹貢而方位

樊亂未免以訛傳訛今細詢之生長其地者逐一釐正雖未敢謂百無一誤本末舛錯庶幾免夫

一記曰國者示儉國儉示禮漳為朱子布治之邦即以先子之治治之百世同揆故臚列民風於前而載朱子禁令於後北溪梁邨皆鄉之先正隆禮由禮移風善俗莫大於是非觀民無以設教不僅侈陳掌故如風俗通華陽記荆楚記僅資抵掌也

一周官土會辨植物動物而土宜土均之政行焉志之有物產明乎能豐財而後能阜民徒以多識鳥獸草木之名概之抑未矣今所載土物漳產居多取其有資日用

貴乎擢節愛養亦非僅如爾雅埤雅註疏蟲魚自誇淹博也

一秩官先紀官制次紀歷官姓名官制雖微秩必登倣周官遺法也

一海氛之後版籍散逸秩官姓名前志不無缺漏其軼見于他書搜遺補闕或有改訂前訛處諸所考據卽註名下

一武職官制卽軍制不詳官制不成兵紀又不便以官制入兵紀而以歷官姓名入秩官前志分載良是今仍之一武廟天后廟前志不載祀典今增入

一學校爲養育英才之區卽古之州序黨序鄉學也周禮九兩三曰師以賢得民四曰儒以道得民第志師儒之官而不詳其職分所當爲于義疏矣今備載

列聖六經序文金聲而玉振之俾師儒之官知造士之方莫重四術經學明人材出矣

一前志選舉簡略與秩官等今據省志縣志及他書酌補訛者訂之或其子孫執譜具呈亦概爲補入然闕漏尚多皆由

國初卷帙散失甲午以後則較詳矣漳屬間有寄籍他省者仍前志例概錄之亦杞梓梗楠自楚往之意

一仕宦由科目出者於甲乙榜名下注明恩副拔歲貢生亦然其遵例入官者另人特用文職一門職任注各名下捐職未任者不錄重實效也武職不由科目者亦另爲特用一門由科目者卽注名下

一人物有卓卓表見者編入人物傳中或一節可稱道卽注于科甲特用封典賜贈各名下或入紀遺無美不彰之意也秩官類此

一史記屈原傳載漁父懷沙諸篇司馬相如傳載上林賦諸篇漢書賈誼傳載治安策諸篇董仲舒傳載天人策諸篇誦其言可以考其行也後世志書第志行事而其

言不詳則藝文志之採各人著作正與其行事相表裏苟非與志乘相關名篇雖多亦奚以爲舊志藝文茲間有省去不存者皆其可以不存者也

一前志賦役據康熙五十一年奏銷冊以府爲綱縣爲目額數瞭然矣今仍其例據乾隆四十年奏銷冊登載舊志原額存而不削俾沿流溯源以合母數則混匿混加之弊可覈而出也至府縣賦役冊不無大同小異之處就中參訂照府冊爲多據其統宗也欲得其詳則有各屬賦役全書在

一前志兵防綱舉目張如聚米畫沙誠爲有用之書顧漳

爲巖疆山海交錯密邇粵東遠通外域汛防會哨稽察
周而聲勢合最爲緊要前志止載遊巡哨望未及交會
處所今特爲補入凡水陸官弁兵丁哨期哨地詳悉紀
載用昭

國朝武備克詰戎兵之精意而膺專閫之寄者師律軍政
糾庀森嚴亦可想見云

一裴松之云凡列傳皆以類而敘者也如前漢書傳鄭興
以迄丁鴻皆以明經類敘者也劉平迄周磐皆以純孝
類敘者也而不標明經純孝之目第隱括其大旨合爲
一讚于後而明經純孝不言而喻蓋人有兼長其上焉

者且具體全材不可以一曲目之也後之作志者分門
別類不該不備今倣史漢之例類敘其人而總論于後
讀者因是可知其人之究竟史法應爾非有意求異也
一列傳之例有特傳焉史漢一人一傳是也有合傳焉史
記藺相如廉頗趙奢李牧諸名將合爲一傳是也有名
爲列傳而通于世家焉如張安世杜延年祖孫父子相
承立文是也有附傳別傳焉如張彭祖附于安世之後
而延壽則別爲傳是也今志中人自爲傳祖特傳之例
也九翰林祖合傳之例也世德祖列傳通世家之例也
或名下細書或名下大書祖附傳別傳之例也其人高

下不能強同而修詞之詳略因之

一傳者沒世之稱也歷觀諸史從未有爲生人作傳者蓋合行狀內外碑而成家傳生人爲之立傳猶生人爲之狀爲之銘也而可乎唐宋八家集中柳子厚有郭橐駝傳梓人傳有爲言之耳非真傳也東坡之方山子傳亦其類也近時邑志有爲列女生存作傳者史法紊矣惟經旌表者雖生存亦列其人于簡女人有旌表猶男人有選舉志朝典非志女貞也故其人之名下不置一辭一史法忌濫忌雜今傳列女至千數有奇嚴于決擇者不當如是緣載筆者第據呈據冊執例覈之其人旣符于

例而其行事之真否無從而知之諮詢則恐有愛憎揣測則慮或差誤不得已就其所處之境最艱者爲之傳其次爲之跋又其次志其寡守之年月日而已後有中壘南豐其人乎設身而爲之地知非妄作也

一創始者難爲功因舊者易爲力茲編體制皆祖前志爲之顧規制隨時更易沿革損益之交頗費討論風氣逐漸推移升降滄瀛之際當思補救故于民風物產學校賦役兵紀異同升降視前志加詳焉人物萃山川之秀爲邦國之光詳世家志祖宗積累之厚明學術紀師友淵源之遠宋有北溪東湖明有布衣石齋

國朝有文勤復齋皆稟朱子明體達用之學以爲學者也
後先相望若合符節尚論至此不禁三致意云

一作史之道在于網羅收拾斷編殘簡皆可參稽畸士名
流倍宜愛惜終以紀遺與正志相補備文社漳江爲盛
紹和飛聲乎位雲白麓領袖乎南洲文勤倡道乎東江
海內推詡藝苑菁英奎聯璧聚杜子美云長嘯宇宙間
高材日陵替今標舉其社名以風動後秀友朋文會粗
者責善精者輔仁非立門戶炫虛譽也方伎仙釋寓賢
可資宏覽作志者相沿列于人物之後究于彰善闡幽
之義無取故彙列于紀遺門目中

一作志首資文獻館內應用諸書粗備博稽遍覽實賴葉
學海廷推劉東溪希周二君藏書宏富足需蒐討衰暮
匏落同館諸君不以其耄而棄之齊心纂輯較訂藉手
期月竣事仰副

邦伯 郡公 邑侯雅意至于七屬紳士採訪之勤舉人

王君廷珪魏君邦爵林君維喬許君元魁林君夢椿許
君沅蘭李君虬貢生王君來獻戴君九成薛君薑蕪君
文榮黃君德陳君桂芳太學生林君世昌皆不憚勞費
分門薈萃裨益良多茂才連君臚聲哀漳濱一得全部
補闕考異備極心苦舉人姚君嘉謨博物好古以筆精

墨妙傳之尤獲交推旁通之助云

乾隆丙申季冬安溪官獻璠識



111432

